

REFERAT US - Utoqqaat siunnersuisoqatigiiffiat d. 04-10-2017

Mødedato Onsdag d. 04. oktober 2017 kl. 19:00

Mødested Imaneq 34, Pisortap allaffiani

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Imaqarniliaq Utoqqarnut Siunnersuisooqatigiit inissitsiterlutik ataatsimiinnerat

Pingasunngorneq 4. oktobari nal. 15.00-16.00.
Sumiiffik: Imaneq 34, Pisortap allaffiani

Ataatsimeeqataasut:

Laanngvak Lyngø, siulittaasoq

Loritha Henriksen, siulittaasup tullia

Søren Joelsen, ilaasortaq

Bodil Karlshøj, ilaasortaq

Kista Lyngø Høegh, pisortaagallartaq

Birthe Bianco, fagcheft

Lotte Have, fagcheft

Cecilie Schierbeck, imaqarniliortaq

Oqaluuserisassat:

Ileqqoreqqusanik suleriaatsimillu misissuineq

Utoqqarnut Siunnersuisooqatigiit aggustip 22-anni ataatsimiinneranni ileqqoreqqusat tunniunneqarput. Qinigaaffiup siuliani Suleriaasissaq oqaluuserisassat nassiunneqarneranni ilanngullugu nassiunneqarpoq.

1. Utoqqarnut Siunnersuisooqatigiit Siunnersuisooqatigiittut atuuffiat
2. Utoqqarnut Siunnersuisooqatigiit sulinissaannut pilersaarut

Ilaasortat ataasiakkaat suut kissaatigivaat qitiutillugillu sammerusuppaat? Qinigaaffimmut Utoqqarnut Siunnersuisooqatigiit ataatsimut suna anguniagaraat?

3. Utoqqarnut Siunnersuisooqatigiivisa ukiumut pilersaarutaat/ullorsiutinik misissuineq
4. Ataatsimeeriaaseqarnissamik eqqartuineq

Ileqqoreqqusat malillugit Utoqqarnut Siunnersuisooqatigiit Ingerlatsivillu ukiumut sisamariarlutik/arfinileriarlutik ataatsimiittassapput. Ataatsimiinnissanut ingerlatsivik sulisut aningaasallu allatsitullu suliassanik suliqaarlunilu isumaginnittuussaaq. Taassuma saniatigut Utoqqarnut Siunnersuisooqatigiit aamma Isumaginninnermut Suliffeqarnermullu Ataatsimiititaq ukiumut ataasiarlutik ataatsimeeqatigiittassapput.

5. Taasariaqartut allat

Imaqarniliaq:

1) Ileqqoreqqusanik suleriaatsimillu misissuineq

Ileqqoreqqusat suleriaasissarlu misissorneqarput.

Kalaallisut nutserneqarnerani allatanut arlalinnik oqaaseqartoqarpoq, taannalu iluarsaanneqassaaq Borgmesterimillu atsiorneqarluni, kingornalu Siunnersuisooqatigiinnut nassiunneqassalluni.

Ileqqoreqqusani nutaani suleriaasissaaq allassimasooq Siunnersuisooqatigiinnit akuerineqarpoq. Taamaattorli ukiumut sisamariarluni/arfinileriarluni ataatsimiinnissamut pisariaqartitsineq eqqartorneqarpoq.

Tusarniaassutinut atatillugu isumaqatigiissutigineqarpoq, utoqqarnut tunngatillugu ingerlatsivik tusarniaanermut akissuteqaqquneqarsimagaangat, ingerlatsivik Utoqqarnut Siunnersuisooqatigiinnut ilisimatitsissuteqartassaaq, taamaalilluni Siunnersuisooqatigiit tusarniaanermut ilanngussaqaarnissamut periarfissinneqassammata.

Saniatigut suliata allaaserineqartarneri imaqarniliap nassiunneqarnerani ilanngullugit nassiunneqarnissaat isumaqatigiissutigineqarpoq.

2) Utoqqarnut Siunnersuisooqatigiit Siunnersuisooqatigiittut atuuffiat

Siunnersuisooqatigiit atuuffiat ileqqoreqqusani kiisalu Utoqqarnut Siunnersuisooqatigiit siullermeerlutik ataatsimiinneranit imaqarniliami allassimapput. Aggustip 14-anni imaqarniliami allassimavoq:

Utoqqarnut Siunnersuisooqatigiit suliassaat

Utoqqarnut Siunnersuisooqatigiit Kommunalbestyrelsimit qinigaapput taamaattumik tatigineqarluni utoqqarnut siunnersuisooqatigiinnut ilaasortaanermi sulineruvoq. Aamma imaappoq, Utoqqarnut Siunnersuisooqatigiit qinigaaffiat Kommunalbestyrelsip ukiuni sisamani qinigaaffia malissavaa.

Utoqqarnik susassaqaarfimmi kommunip politikkiata ilusilersornissanut aaqqissuunnissaanullu atatillugu Kommunalbestyrelsimut siunnersortaanissaaq kommunimilu innuttaasut utoqqarnut tunngatillugu qulequttanut oqalliseqataanissamut Utoqqarnut Siunnersuisooqatigiit suliassarivaat.

Tamatuma saniatigut kommunimi innuttaasut utoqqaat Kommunalbestyrelsillu akornanni Utoqqarnut Siunnersuisooqatigiit attaveqaataapput. Taamaamat Utoqqarnut Siunnersuisooqatigiinnut ilaasortatut utoqqarnut siunnersuisooqatigiit ataatsimiinneranit qulequttat paasissutissallu saqqummiunneqartut ingerlateqqikutsoorsinnaavasi.



Utoqqarnut Siunnersuisooqatigiinnit siunnersuuteqassappat, Kommunalbestyrelsimut ingerlateqqinneqarnissaat pisortamit isumagineqassapput.

Utoqqarnut Siunnersuisooqatigiit ataatsimiinnerannit imaqarniliat tamanit takuneqarsinnaasunnagortinneqassapput kommunillu nittartagaanut sermersooq.gl-imut ikkunneqarlutik. Imaqarniliattaq politikikkut ataatsimiititamut susassaqartumut, tassa Isumaginninnermut Suliffeqarnermullu Ataatsimiititamut, Charlotte Ludvigsenip siulittaasuuffigisaanut, nassiunneqartassapput.

Tamatuma saniatigut Utoqqarnut Siunnersuisooqatigiit ukiumut ataasiarlutik Isumaginninnermut Suliffeqarnermullu Ataatsimiititaq ataatsimeeqatigisarpaat.

Qinigaaffimmi kingullermi Ingerlatsivik, Utoqqarnut Siunnersuisooqatigiit aamma Ataatsimiititaq utoqqarnut politikkip ataatsimut pilersinneqarnissaa eqqarsaatigalugu suleqatigiilluarput. Qinigaaffimmi matumani Utoqqarnut politikkip aamma immikkoortumut pilersaarummi suliniutit tamarmik piviusunnagortinneqarnissaat suleqatigiissutigineqassapput.

Suliat innuttaasunut/ataasiakkaanut tunngasut Utoqqarnut Siunnersuisooqatigiinni oqaluuserineqarneq ajorput. Utoqqarnut Siunnersuisooqatigiinni sulinissinni sulianut ataasiakkaanut tunngasunik paasisimasaqalissagaluarussi nipangiussisussaataaneq ilissinnut atuuppoq - aamma qinigaaffik naareerpat sulii atuutissaaq.

Utoqqarnut Siunnersuisooqatigiinnut ilaasortatut sulineq kajumissutsimik sulineruvoq akissarsiaqaataanilu.

3) Utoqqarnut Siunnersuisooqatigiit sulinissaannut pilersaarut

Qitiutillugit sammineqartussatut kissaatigineqartut:

-Tikkuminassuseq Apisernerup nalaa killilersuingaatsiartarpoq, qanoq iliorluni utoqqarnut tikikkuminartuutitsinissaaq qulakkeerineqassava.

Oqaaseqaat: Kommune innuttaasunut piginnaasakinnerulersimasunut aputaajaasarnissamut siunnersuummik suliaqarpoq.

-Utoqqaat Kalaallit Nunaanniinnartinneqarnissaat, arlallit Danmarkiliartarmata.

-Kigutileriffik

-Nerisat

-Peqqissuseq

-Aalaneq

-Tunup peqataatinneqarnissaa qitiutillugu sammineqarnissaa kissaatigineqarpoq

Tamatuma saniatigut Kommuneqarfik Sermersuumi innuttaasut utoqqaat amerlassusaat, qanoq ikiorstiginneqartarnersut, qassit paaqqutarinniffinniinersut kisitsisinnagorlugit kvartalikkuaartumik tunniunneqarnissaat kissaatigineqarpoq. Qassit puiguttortuuppat, qassit utoqqalinersiaqarpat. Kisitsisit oqaluuserisassat nassiunneqarneranni ilanngunneqartassapput.

Oqaluuserisassat, misiligutitut, oqaluuserisassani immikkoortutut aalajangersimasutut ilanngunneqartalissaaq.



4) Utoqqarnut Siunnersuisooqatigiivisa ukiumut pilersaarutaat/ullorsiutitik misissuineq

Ataatsimiinnissamut tullermut ukiumut pilersaarutissatut siunnersuusiortoqassaaq

5) Ataatsimeeriaaseqarnissamik eqqartuineq

Ataatsimiinnissamut tullermut kinguartinneqarpoq, ukiumut pilersaarut oqaluuserineqalerpat oqaluuserineqassaaq.

6) Taasariaqartut allat.

Tulliani ataatsimiinnissaq pingasunngorneq novembarip 29-anni pissasoq siunnersuutigineqarpoq.

